

Evaluacion positivo pa e programa di vakantie na Museo Arqueologico



ORANJESTAD

Recientemente a keda finaliza e evaluacion di e programa di vakantie 2002 di Museo Arqueologico Aruba. E programa di e aña aki a tuma lugardén luna di juli. Manera ya ta custumber a conta cu dos estudiante di IPA kendenan a traha y guia e programa pa 3 siman.

Despues di a evalua e programa mester bisa cu tanto e studiantenan di IPA, esta Mirla Trompy Esther Semeleer y Museo Arqueologico a experiencia e programa como uno educativo y positivo.

En total 352 mucha di 3 te 12 aña a disfruta di e programa aki. Gruponan cu pa añanan ta participa ta por ehempel "Metacare" y "Pasa Dushi Camp". E aña aki a conta cu gruponan nobo manera esun di "Caribbean Mercantile Bank"

y grupo "Guadirikiri". E tema "E Indian y e Raton di anochi" a cai na agrado di e muchanan y tambe di e mayornan cu mas y mas ta compañía e muchanan durante e programa.

Mirla y Esther ta mira e programa mes como un reto pasobra nan mester a traha cu un cantidad basta grandi di mucha di diferente edad pareu. Esaki a haci cu hopi biaha nan mester a improvisa riba locual nan a prepara caba, haciendo e actividad aki un bon experiencia pa nan futuro profesion. Nan a indica si cu mester un mihor espacio pa draai e programa ya cu ora haya hopi mucha no tin espacio adecua pa sinta, traha etc. Museo Arqueologico di su banda a sugeri pa establece e tema di e programa mas tempran otro aña y involucra mas estudiante pa formula actividad y tareanan pa muchanan di un variedad mas

grandi di edad. E plan ta pa Museo Arqueologico mes establece e tema otro aña y asina por promove e programa mas tempran.

Pa ehecuta e programa aki Museo ta haya tur aña ayuda di diferente persona y instancia. Kier gradici Sharella Catalina, Marlene van Blarcum, Gloria

Croes, Louella Hernandez, Stanley Dabian, Instituto di Cultura y e team di Museo Arqueologico pa a yuda cu e programa. UNOCA manera semper tambe a colabora mescos cu Direccion di Finanzas y DOW. Drs. Kees de Jong, docente di IPA, ya pa varios aña ta mira e importancia

di involucra nos futuro educadornan den programanan asina, un danki pues na Kees de Jong tambe. Nan ta manda tambe un danki na Minister Ramon Lee, kende a bin gradici esnan cu a ehecuta e programa personalmente. Finalmente un danki y pabien na Mirla y Esther, studiantenan di IPA.